

Byaseng Hwngzyen:

Cungj Byaek Mizmingz Daj Saed-ceij Haemzhoj Bienq Baenz Ndeu

横县鱼生：从世事沧桑演化来的传统名菜

□ Yauvaz Yozciu



▲ Mehmbwk loengh byaseng, dinfwngz engq yinxvunz.

◀ Banh ngoenzciet byaseng, muengh swncienz roengzbae.



▲ Nohbya baij yienghva, ndeyawj da mbouj yaep.



▲ Ceijsa suek raemx hawq, singjsien hawj vunz ngah.



▲ Goengfou ronq byaseng, gaenx lienh cij oksae.



▲ Dabsau gwn byaseng, maj ndaej engq gyaundej.



“Byaseng Hwngzyen” youh heuhguh “songgaiq”, itcig ndaej vunz Hwngzyen naeuz dwg “byaekyienh”, de daiqbiuj gij suijbingz ceij sang dinfwngz loenghbyaek caeuq vwnzva gwnndot, ceij sang gvigek daihhek Hwngzyen. Youq Namzningz, caiqlj daengx ranghdieg Lingnamz, gij vunz sug Hwngzyen haenx cungj dawz byaseng caeuq Hwngzyen cuengq doxcaemh, naeuz Hwngzyen dwg byaseng, byaseng dwg Hwngzyen. Byaseng Hwngzyen baenz le ranghdieg Saenamz cungj gijgwn daegbied ndeu, Namzningz Si cib daih gijgwn feihgwn daeuzmingz, Guengjsae cib daih gijgwn feihgwn ndawde cungj ndeu. Bi 2013, “byaseng Hwngzyen” ndaej lied haeuj Namzningz Si buek daihngieh feihvuzciz vwnzva yizcanj baujhoh mingzloeg.

Byaseng Hwngzyen bonjlaiz dwg ciuhgeq gyoengq canghdkwbya gwnz Dahyi’gyangh Hwngzyen haenx cungj banhlap fouznaih wngqdoi saedceij ndeu. Mbouj miz youz gyu ciengq meiq, cijndei gwn ndip. Mbouj liuh daengz, cungj “gwnfap” daiq miz gij siengsim lairaeuh neix, ginggvaq seizgan dongjcong, cugciemh bienqbaenz le cungj byaek mizmingz cienzdoengj seizneix gyawjgyae okmingz ndeu. Ciuq gaisau, youq 500 bi gaxgonq, byaseng gaenq baenz Hwngzyen “byaek daenz daiz” noix mbouj ndaej lo.

Dahyi’gyangh dwg Hwngzyen ngaraemx youqgaenj ndeu, raemxdah sawrxenx, lae ndaej git, gij bya ndaw dah noh laengrieng genget, byotbet, ndawde byacingcuk suenq dwg ceij

ndei. Byaseng Hwngzyen baenzneix okmingz, feihgwn, caeuq gij guhfap dinfwngz daegbied, senj liuh boiq liuh cingsaeq de miz gvanhaeh maedciat, couh dwg senj aeu byacingcuk, byava’gveiq, byavanx daengj doengh cungj bya noh saed nyangqnyet byotbet, saeknoh hausek ronghsaw youq ndaw Dahyi’gyangh maj, gaiq nohbya yaek aeu ronq ndaej mbang lumj fwed duzbid nei, caiq boiq coeng hing gyaeusuenq, lwgmanh youz gyu ciengq meiq, mackengz, mbahozceu daengj boiq-liuh caeuq naednoh moeggva, youz-duhdoem daengj dwzcanj Hwngzyen gungh ngeihcib lai cungj boiqliuh, bouh ceij youqgaenj de dwg ronq nohbya, caxraeh ronq mbat nduj mbouj ronq gat, mbanj cax daihngieh cij ronq gat, hawj song gaiq nohbya lien baenz gaiq ndeu, baez mbe nohbya couh lumj duzmbaj nei. Loengh byaseng seiz, saehfouh gaemcax sien aeu saencax bek duzbya ngunh bae, mbon hwk gvet gyaep, ciepdwk daet donh rieng le venj hwnjdaej cuengq lwed seuq,



▲ Loengh byaseng doxdax, hawj daihgya roxyiuj.



▲ Gaiqnoh mbang lumj ceij, dinfwngz saefouh maenh.

► Byaseng baij hwnj daiz, vunz ndwnj mvaiz mbouj dingz.